


REPUBLIKA E SHQIPERISE
GJYKATA E RRETHIT GJYQESOR
TIRANE

Nr: 7387 Regj. Themeltar
Dt. regjistrimi 26. 03. 2019

Nr: 3732 Vendimi
Dt. vendimi 23. 05. 2019

V E N D I M
“NE EMER TE REPUBLIKES”

Gjykata e Rrethit Gjyqësor Tirane e përbërë nga :

Gjyqtar : ERVIN POLLOZHANI

asistuar nga sekretare gjyqësore **Lusjana Fezollari** sot më datë **23. 05. 2019** mori në shqyrtim në seancë gjyqësore publike, çështjen civile me Nr. 7387 Regj. Themeltar që i përket :

KERKUES : **SHOQERIA “EXTRADENIM HOLDING” sh.p.k.** me NIPT L81412007L, me adrese Tirane, Njesia Bashkiake Nr. 2, Rruga “Themistokli Germenji”, Pallati Pegaso, Kati 7, Zyra Nr. 30, me perfaqesuese ligjore znj. Jozefina Gjoni, e perfaqesuar ne gjykim me prokure te posaçme Nr. 1617 Rep. Nr. 277 Kol. dt. 20. 03. 2019 nga *av. Kostina Prifti*.

OBJEKTI : Pranimin e deklaratave te ortakeve te shoqerise “Extradanim Holding” sh.p.k. se te gjitha detyrimet e shoqerise ndaj kreditoreve jane shlyer e jane rregulluar te gjitha marredheniet me punemarresit, me qellim likujdimin e thjeshtezuar te shoqerise dhe ç’regjistrimin e saj nga regjistri tregtar.

BAZA LIGJORE : Neni 204 i Ligjit Nr. 9901 dt. 14. 04. 2008 « Per Tregtaret dhe Shoqerite Tregtare », i ndryshuar. Neni 49 i ligjit Nr. 9723 dt. 03. 05. 2007 i ndryshuar i QKB-se.

Gjykata pasi dëgjoi pretendimet e perfaqesuesit te kërkuessit, i cili kërkoi : *Pranimin e kërkesës sipas objektit te saj*, pasi administroi provat shkresore dhe shqyrtoi çështjen në tërësi, në përfundim të saj,

VEREN :

Se, shoqeria “EXTRADENIM HOLDING” sh.p.k. nepermjet perfaqesuesit te saj me prokure i eshte drejtuar gykates dhe ka kerkuar mbylljen e procedures se likujdimit te thjeshtezuar te shoqerise.

Në bazë të Neneve 36, 41, 59, 334 të K. Pr. Civile, gjykata pasi shqyrtoi nëse çështja bën pjesë në juridiksionin gjyqësor civil dhe kompetencen e saj lendore e tokesore, konstatoi se çështja bën pjesë në

juridiksionin gjyqësor civil dhe kjo gjykate është kompetente nga pikepamja lendore e tokësore.



Nga shqyrtimi gjyqësor rezultoi e provuar se :

Shoqëria "EXTRADENIM HOLDING" sh.p.k. është shoqëri tregtare e së drejtes tregtare shqiptare e krijuar si e tillë me dt. 08. 02. 2018 me seli të saj në Tiranë, Njesia Bashkiake Nr. 2, Rruga "Themistokli Germenji", Pallati Pegaso, Kati 7, Zyra Nr. 30 dhe me pas është regjistruar në Q. K. B. në dt. 12. 02. 2018 me objekt të veprimtarisë së saj : mbajtja për menaxhim të patentave të investimeve financiare dhe të pasurive të paluajtshme... Ortak të kësaj shoqërie janë shtetasit italian Saverio Gerardo Ciampi me 95% pjesëmarrje në kapitalin e shoqërisë me vlerë 95. 000 lek dhe shtetasi Manrico Erriu me 5% pjesëmarrje në kapitalin e shoqërisë, ndërsa përfaqësues ligjorë e saj është znj. Jozefina Gjoni.

Ka rezultuar se gjatë veprimtarisë së saj kjo shoqëri nuk ka patur aktivitet të madh për gjatë kohe zgjatjes së veprimtarisë së saj dhe për më tepër jo fitimprures. Nisur nga mungesa e veprimtarisë tregtare për të cilën kjo shoqëri është krijuar, shoqëria "EXTRADENIM HOLDING", ortakët e saj kanë ndermarrë iniciativën për të filluar procedurën ligjore për likuidimin e thjeshtezuar të shoqërisë. Për këtë arsye në dt. 06. 03. 2019 me vendimin respektiv të Asamblesë së Përgjithshme të shoqërisë "EXTRADENIM HOLDING" sh.p.k. në zbatim të Nenit 204/1 të Ligjit Nr. 9901 dt. 14. 04. 2008 "Për Tregtarët dhe Shoqëritë Tregtare" ortakët me unanimitet kanë vendosur: *1. Të prishin shoqërinë dhe të kryejnë likuidimin e thjeshtezuar me procedurë të përshpejtuar. 2. Të deklarojnë se të gjitha angazhimet dhe detyrimet e shoqërisë në lidhje me kreditorët (duke përfshirë dhe autoritet tatimore, autoritet lokale, etj) si dhe punëmarrësit e tij janë paguar dhe shoqëria nuk ka asnjë detyrim të papaguar ose përgjegjësi ndaj paleve të trëta dhe për këtë mund të iniciojë procedurë e likuidimit të thjeshtezuar të lartpërmendur.*

Në vijimësi në zbatim të Neni 204 të ligjit, në dt. 08. 03. 2019 përfaqësuesi i autorizuar i shoqërisë i ka dërguar njoftim Q. K. B-së për vendimmarrjen e saj për prishjen e shoqërisë dhe hapjen e procedurës së likuidimit të thjeshtezuar (çështja CN-127634-03-19 dt. 08. 03. 2019). Pas këtij veprimi shoqëria nëpërmjet përfaqësuesit të saj me prokurë të leshuar nga administratorja e shoqërisë znj. Jozefina Gjoni ka iniciuar me pas procedurën ligjore për mbylljen e këtij likuidimi të thjeshtezuar dhe ç'regjistrimin me pas të kësaj shoqërie nga Q. K. B-ja.

Neni i mesiperm si referencë i jep kompetencë të plotë gjykates për të proceduar me perfundimin e këtij likuidimi të thjeshtezuar. Konkretisht ky nen përcakton se : *1. Shoqëria tregtare mund të likuidohet nëpërmjet një procedurë të përshpejtuar, nëse kjo vendoset nga të gjithë ortakët apo aksionarët dhe kur këta deklarojnë përpara gjykatës përkatëse se të gjitha detyrimet e shoqërisë ndaj kreditorëve janë shlyer e janë rregulluar të gjitha marrëdhëniet me punëmarrësit. 2. Administratorët, në përputhje me nenin 43 të ligjit nr.9723, datë 3.5.2007 "Për Qendrën Kombëtare të Regjistrimit", njoftojnë për regjistrim pranë Qendrës Kombëtare të Regjistrimit vendimin për likuidimin e shoqërisë, nëpërmjet procedurës së thjeshtezuar. 3. Administratorët janë përgjegjës për dëmin e shkaktuar nga shkelja e detyrave të tyre gjatë likuidimit të thjeshtezuar. Përveç administratorëve, ortakët apo aksionarët e shoqërisë përgjigjen në mënyrë solidarë deri në shumat e marra. 4. Paditë, sipas pikës 3 të këtij neni, duhet të ngrihen brenda 3 viteve nga data e çregjistrimit të shoqërisë nga Qendra Kombëtare e Regjistrimit.*

Në interpretim të Nenit të mesiperm pasi u provua para gjykates se nga shoqëria është kaluar pengesa procedurale për t'iu drejtuar asaj pasi është plotësuar kriteri ligjor-administrativ për njoftimin

prane QKB-se te vendimit per fillimin e likujdimit te thjeshtezuar te shoqerise, konstatohet se dy jane kushtet ligjore substanciale qe duhet te plotesohen nga shoqeria per te vendosur gjykata me pas per perfundimin e procedures se thjeshtezuar te likujdimit, konkretisht a) *mospasja e detyrimeve ndaj kreditoreve dhe b) mospasja e detyrimeve ndaj punemarresve te shoqerise*. Keto kushte duhet te qendrojne ne menyre kumulative (bashkarisht) qe te provohet permbushja e plote e tyre para gjykates.

Prishja e shoqerise tregtare vijohet nga procesi i likujdimit, permes te cilit shlyhen te gjitha detyrimet e shoqerise ndaj kreditoreve dhe ndahet teprica e likujdimit mes ortakeve apo aksionereve sipas raportit te pjesemarrjes se tyre ne kapitalin e shoqerise.

Ky veprim tregtar mund te realizohet permes procedurave ligjore te likujdimit te zakonshem ose likujdimit te thjeshtezuar. Likujdimi i thjeshtezuar perfaqeson nje procedure te thjeshte dhe te shpejte likujdimi, ne rastet kur shoqeria tregtare nuk ka detyrime ndaj te treteve dhe mes ortakeve/aksionereve nuk ekzistojne mosmarreshje per procesin e likujdimit, ne ndryshim nga procedura e zakonshme, ne te cilen detyrimet e shumta te shoqerise ndaj kreditoreve apo dhe pretendimet e ortakeve/aksionereve mbi ndarjen e teprikes se likujdimit kerkojne investimin ne kete proces te likujdimit te zgjedhur ne menyren e percaktuar ne ligj.

Rezultoi e provuar se nga ana e perfaqesuesit ligjor te shoqerise "EXTRADENIM HOLDING" sh.p.k. u paraqit nje deklarate noteriale Nr. 1659 Rep. Nr. 286 Kol. dt. 21. 03. 2019 e dy ortakeve te shoqerise (*e administruar si prove ne gjykim*) sipas se ciles nen pergjegjesine e tyre ligjore deklarojne se: "*Deklarojme se te gjitha detyrimet e shoqerise ne lidhje me kreditorët dhe punemarresit jane paguar rregullisht dhe shoqeria nuk ka detyrime te mbetura apo pergjegjesi tek palet e treta. Per kete mund te filloje procedure e thjeshtezuar te likujdimit prane Gjykates se Rrethit Gjyqesor Tirane*".

Po keshtu nepermjet vertetimeve respektive: Nr. T00908722 dt. 11. 03. 2019 te Drejtorise se Pergjithshme te Tatimeve-Drejtoria Rajonale Tatimore Tirane, Nr. 5884/1 Prot. dt. 18. 03. 2019 te Drejtorise se Pergjithshme te Doganave-Spektori i Monitorimit te Borxhit dhe Nr. 3595/1 Prot. dt. 20. 03. 2019 te Drejtorise se Pergjithshme te Taksave dhe Tarifave Vendore prane Bashkise Tirane, provohet se kjo shoqeri nuk ka asnje detyrim aktual apo te akumuluar ndaj tyre.

Ne kete menyre nga pala kerkuese u provuan te gjitha kerkesat ligjore per perfundimin e procedures se likujdimit te thjeshtezuar per shoqerine "EXTRADENIM HOLDING" sh.p.k.

Me tej Neni 205 i ligjit "Per tregtaret dhe shoqerite tregtare" i ndryshuar percakton se: "*Pas shperndarjes se aktiveve te mbetura ne vijim te procedures se likujdimit te thjeshtezuar administratori i shoqerise njofton QKB per perfundimin e likujdimit te thjeshtezuar dhe kerkon ç' regjistrimin e shoqerise ne perputhje me nenin 49 te ligjit Nr. 9723 dt. 03. 05. 2007 "Per QKR" i ndryshuar*.

Referuar dispozites se mesiperme ligjore ngarkohet administratori i shoqerise qe pas miratimit gjyqesisht te procedures se likujdimit te thjeshtezuar te realizoje shperndarjen e aktiveve te mbetura, te njoftoje per perfundimin e likujdimit QKB-ne dhe me pas te paraqese kerkesa per ç' regjistrimin e shoqerise prane QKB-se ne baze te ketij neni (49)

Neni 49 i Ligjit Nr. 9723 dt. 03. 05. 2007 "Per Qendren Kombetare te Regjistrimit" percakton se : "*Ç' regjistrimi në mënyrë vullnetare për personat juridikë, degët dhe zyrat përfaqësimit të shoqërive të huaja dhe për shoqëritë e thjeshta dhe për subjekte të tjera për të cilat ligji parashikon procedura likuidimi, kryhet nëpërmjet aplikimit për çregjistrim dhe depozitimit të akteve përkatëse, që vërtetojnë kryerjen dhe mbylljen e procedurave të likuidimit, sipas legjislacionit në fuqi. Ç' regjistrimi nuk kryhet nëse aktet e ndërmjetme të procesit të likuidimit, sipas legjislacionit në fuqi, nuk janë njoftuar dhe depozituar*

pranë regjistrimit tregtar. Këto akte depozitohen në formën e kërkuar nga ky ligj dhe/ose nga dispozita të tjera ligjore në fuqi.

Ne vijim Neni 51 i Ligjit Nr. 9723 dt. 03. 05. 2007 "Per Qendren Kombetare te Regjistrimit" percakton se: "Ç' regjistrimi nga regjistri tregtar kryhet në bazë të një vendimi gjyqësor të paankimueshëm apo të vendimit përfundimtar të një autoriteti tjetër publik, kur parashikohet nga ligje të posaçme, në rastet e pavlefshmërisë së personave juridikë pas mbylljes së likuidimit në rrugë gjyqësore, të falimentimit apo në raste të tjera, të parashikuara nga ligji. QKR-ja çregjistron kryesisht subjektin brenda 1 dite nga data e marrjes së vendimit përkatës".

Legjislatori ndryshe nga procedura e gjate e likuidimit te shoqerive, ne Titullin II te ligjit, Nenet 204-205 te tij ka parashikuar kete procedure te veçante likuidimi te pershpejtuar me qellim per tu ardhur ne ndihme shoqerive te cilat rezultojne ne aktivitetin e tyre jo fitimpruese.

Sa me siper duke qene se ligji ka percaktuar si organ kompetent qe ligjeron përfundimisht kete procedure, gjykatën, atehere para saj u provua se nga ana e shoqerise "EXTRADENIM HOLDING" sh.p.k., jane respektuar te gjitha procedurat ligjore te kerkuara per fillimin dhe përfundimin e procedures se likuidimit te thjeshtezuar. Ne kete menyre kjo kerkese per përfundimin e kesaj procedure per gjykatën është e mbështetur në prova dhe në ligj dhe si e tille duhet pranuar.

PER KETO ARSYE :

Gjykata bazuar në Nenin 204 te Ligjit Nr. 9901 dt. 14. 04. 2008 "Per Tregtaret dhe Shoqerite Tregtare", Nenin 49, 51 te Ligjit Nr. 9723 dt. 03. 05. 2007 "Per Qendren Kombetare te Regjistrimit" dhe Nenet 126-306 e vijues, 444 të K. Pr. Civile.

VENDOSI :

1. Pranimin e kerkeses.
2. Miratimin e procedures se likuidimit te thjeshtezuar per shoqerine "EXTRADENIM HOLDING" sh.p.k. me NIPT L81412007L, me adrese Tirane, Njesia Bashkiake Nr. 2, Rruga "Themistokli Germenji", Pallati Pegaso, Kati 7, Zyra Nr. 30, me perfaqesuese ligjore znj. Jozefina Gjoni.
3. Nje kopje e ketij vendimi pasi te marre forme te prere t'i dergohet Qendres Kombetare te Biznesit (Q.K.B.).
4. Shpenzimet gjyqësore siç janë bërë.
5. Kundër ketij vendimi lejohet të bëhet ankim në Gjykatën e Apelit Tirane brenda 15 ditëve, afat ky që fillon nga e nesërmyja e njoftimit te vendimit te arsyetuar, pales kerkuese.
6. U shpall sot më 23. 05. 2019 në Tirane.

SEKRETARE

LUSJANA FEZOLLARI

GJYQTAR

ERVIN POLLOZHANI

Shpenzimet gjyqësore

Faksë regjistrimi

200 lekë

Shpenzime njoftimi

100 lekë

Totali

300 lekë

Vendimi mori forme te prere pasi
nuk u ankimua me dt. 23. 05. 2019
Tirane me dt. 17. 06. 2019

K / SEKRETARE

VALBONA SADIKU